

Rachaidh mé dom aithne d'Énrí

[Ó Donnchadha, T. *Leabhar Cloinne Aodha Buidhe*, Dublin, 1931, poem 28]

Seaán Ó Groidhin .cc.

1 Racha mé dom aithne d'Énrí
d'fheuchain orum dha dhreich nduinn,
d'fhios an mbeura onóir d'fhilidh
reulla roshlóigh cinidh Chuinn.

2 Ar tí m'aithne d'oighre Seaáin
seoladh laoidhi do mheas mé,
gidh mór sgáth na ndligheadh ndorcha
ar bhláth fileadh Tolcha Té.

3 Sgaith ar gceirde doighrais dána
a ndligheadh ormsa ag ua Briain,
do bhéra díol san chiort chubhaidh,
ar iocht ga shíol bhunaidh biaidh.

4 Dioghruis ar molta, a mheic Róisi,
rinn ar gceirde ó's cóir uainn,
a rún drechnáir as fherr d'fagháil,
ní neamhcháir lem anáir uaibh.

5 Fa hiomdha ní d'fhiachoibh ollaimh
agaibh ormsa, a rosg mur ré;
do geubthar tráth, a thriath Feirste,
ar sgáth m'fhiach nach meiste mé.

6 Dlighidh sinn ar son ar molta
mórán neithe 's gan ní uainn;
ar ndlechtadh mur as díor d'anáir
is clechtadh síor d'fhagháil uaibh.

7 Mo bheith agaibh um chenn gcumoinn
ó's chuige atá ar labhradh linn,
a bharr fionnchuir gan bhéim mbronnaidh,
iomchuir do réir ollaimh inn.

8 Bíoth nach beinn im ollamh agaibh,
a éigne lúidh Locha Laoidh,
fa fhéin Oiligh fa dhóigh ndréchta
soighin róinn as dénta dhaoibh.

9 Gidh eadh fós, ní foráil damhsa
i ndíol san drécht do dhealbh mé
gan m'annso do shódh ód shéimhlí;

ní mór dhamhsa, a Énrí, hé.

10 Racha meisi, a mheicsi Seaáin
seal cuarta gan chuma lá
san chúirt tláith as tighe eachtra;
go ráith Line as techta trá. Racha

11 Aithin meisi a Mharta Stathbhard
stiúradh flaithis as dú dhaoibh
m'eura nár fhogham ar th'ionchaibh,
déna oram, iomchair m'aoibh.

12 A bhrath ríoghan rátha Line,
lean dar gcumann, cuiridh linn;
do réir m'amhairc, go n-iúl damhsa,
stiúr ar mhalairt annsa inn.